

32. Atq; ita vidimus subjectum, ordo nunc postulat, ut nos iam convertamus ad Transmissionis objectum, quod dicimus solam esse SUCCESSIONEM, cum omnes LL. quae de Transmissione agunt, de Successione agant. Intellectam vero volo hic & Successionem universalem, eamq; Legitimam simul ac Testamentariam; & particularem, propter L. un. §. 5. & 13. Cod. de Cad. toll. L. un. C. de his qui ante apert. Tab. L. 19. C. de jur. delib. L. 13. C. de hered. Inst. L. 7. §. 1. ff. de acquir. vel amitt. hered. L. 2. & t. t. C. de hered. act. L. 81. §. 6. ff. de Legat. 1. Ratio cur Transmissio etiam habeat locum in successione legitima seu ab intestato, hac potest dari solida contra Treutlerum dissentientem, ut & Giphani. quia nempe Identitas rationis exigit identitatem dispositionis. Jam vero, eadem ratio suadet, ut hereditas legitima Transmittatur ad posteros, & ita Transmissio in Successione ab Intestato obtineat, quae Transmisionem Successionis suadet Testamentaria, ne videlicet ii, quibus debetur successio ob fortuitas causas vel casus humanos, ea defraudentur d. l. un. C. de his qui ante apert. Tab. Quin imò Jus SVitatis in Casu Intestati potentius operatur, quam ex causa Testamenti. E. per consequens Jus quoq; Transmissionis. Uti igitur Successio ex duplici causa vel ex Testamento, vel ab Intestato ad nos pervenit, ita quoq; ejusdem prorogatio pari erit censenda Jure. Inscriptio & Verba L. un. C. de his qui, Tabularum mentionem facientes non tam graviter, uti dissentientes sibi imaginantur, obstant, quia Imperatores responderunt de casu difficiliore & magis dubio, cum praesertim clausula sit generalis, neq; ulla inter species illas hereditatis idonea possit differentiae reddiratio. Sed Constitutiones correctorias non esse extendendas objicis? Respondebit pro me tibi Bacchovius.

33. Ut paucis me hic expediā, sequentes velim notare regulas, quarum altera Affirmativa, altera Negativa. Illa hac esto: Quaecumq; res sive sint Corporales, sive sint Incorporales, constituunt Objectum Successionis, illae etiam Transmissionis: vel ut clarius loquar: Quaecumq; jure Successionis transire possunt ad heredem, illae & ad heredis heredem sunt Transmissibilia. Ratio est, quia Transmissio nihil aliud est, quam Successio ex persona heredis defuncti, per quam nihil additur vel detrabitur ipsi successioni, sed saltem Successio extenditur, propagatur, continuatur in Successione